

आकाशवाणी

खबरां

1. प्रधानमंत्री नरेंद्र मोदी होरें अज्ज राश्ट्री राजधानी च दीन दयाल उपाध्याय मार्ग पर नमे बनाए गेदे दिल्ली भाजपा दफ्तरै दा उद्घाटन कीता।
2. रक्षा मंत्री राजनाथ सिंह होरें अंदरूनी ते बाहरले सुरक्षा खतरें गी दूर करने लेई स्वचालित प्रतिक्रिया प्रणाली गी किट्टा करने दी जरूरता पर जोर दित्ता।
3. भारत ते भूटान नै 4 ज्हार 33 करोड़ रपे दे खर्चे कन्नै द'ऊं बन्ने पार रेल संपर्क परियोजनाएं गी स्थापित करने पर सहमति जताई।
4. रेल मंत्री अश्विनी वैश्वणव होरें त्रै अमृत भारत एक्सप्रेस रेलें सने 7 रेल गड्डियां बिहार गी समर्पित कीतिआं।
5. विज्ञान ते प्रौद्योगिकी मंत्री डॉ. जितेंद्र सिंह होरें आखेआ जे जम्मू-कश्मीर च किश्तवाड़ जिले गी पी.एम धन धान्य कृषि योजना दे तैहत आकांक्षी जिले दे तौरा पर चुनेआ गेआ ऐ।

<><><><><><>

**PM Delhi BJP**

प्रधानमंत्री नरेंद्र मोदी होरें अज्ज राष्ट्रीय राजधानी दी दीन दयाल उपाध्याय मार्ग च नमें बने दे दिल्ली भाजपा दफ्तर दा उद्घाटन कीता। इस दफ्तर दा शिलान्यास बीजेपी दे अध्यक्ष जगत प्रकाश नड्डा होरें 9 जून 2023 गी कीता हा।मौके पर सभा गी संबोधित करदे होई प्रधानमंत्री नरेंद्र मोदी होरें आखेआ जे नवरात्रि दे पुण्य मौके उप्पर दिल्ली बीजेपी गी इक नमां दफ्तर हासल होई गेआ ऐ। उनें आखेआ जे बीजेपी दी स्थापना दे बाद 1980 च 45 बरे होई गे नाश्री मोदी होरें इस गल्लै उप्पर प्रकाश पाया जे दिल्ली बीजेपी दी जेहड़ी ताकत ऐ ओह पिच्छले दहाकें थमां उंदे अनगिनत मजदूरें दी समर्पण ते मेहनत दा नतीजा ऐ। इस मौके उप्पर बोलदे होई भाजपा अध्यक्ष जगत प्रकाश नड्डा होरें आखेआ जे प्रधानमंत्री मोदी होरें अपने जीवन दा हर पल राष्ट्र ते पार्टी गी समर्पित कीता ऐ। इस थमां पैहले दिल्ली बीजेपी दे प्रधान वीरेंद्र सचदेवा होरें आखेआ हा जे नमां दफ्तर सिर्फ इक कम्मै आहली थाहै नैई ऐ सगुआं मूल्यें दा केंद्र बी ऐ जित्थें मजदूरें च पार्टी दी संस्कृति ते भावना गी पोशित कीता जंदा ऐ।

<><><><><><>

**Nadda-Swasth Nari**

स्वास्थ्य ते परोआर कल्याण मंत्री जगत प्रकाश नड्डा होरें दस्सेआ ऐ जे 'स्वस्थ नारी सशक्त परिवार' अभियान दे तैहत मुल्लख भरै च हूनै तगर 9 लक्ख थमां मते सोआस्थ शिविर लाए गे ना। नमीं दिल्ली च अज्ज इक निजी समाचार चैनल आसेआ आयोजित स्वास्थ्य सम्मेलन च नड्डा होरें दस्सेआ जे हूनै तगर त्रै करोड़ 60 लक्ख थमां मते लोकें दी जांच होई चुकी दी ऐ ते मेद कीती जा'रदी ऐ जे एह आंकड़ा 2 अक्तूबर तगर 4 करोड़ गी पार करी लैगा।

<><><><><><>

**DM Security Challenges**

रक्षामंत्री राजनाथ सिंह होरें अंदरूनी ते बाहरली सुरक्षा चनोतिएं कन्नै असरदार ढंगै सिर निब्वडने लेई मजूदा समें साब्वै लोडचदिएं तैयारिं दी जरूरतै पर जोर दित्ता ऐ। अज्ज नमी दिल्ली च भारत तटरक्षक बल दे कमांडरें दी बैठक गी संबोधित करदे होई रक्षा मंत्री होरें आखेआ जे रक्षाबलें गी कुसै बी चाल्ली दी रक्षा चनौती कन्नै निब्वडने लेई हर बेल्ले ते पूरी चाल्ली तैयार रौहना लोडचदा चेचा करियै अज्ज दे दौर च पैदा होने आहिलियें नित नमी किस्मै दिएं चुनौतिएं ते खतरें कन्नै असरदार ढंगै सिर निब्वडने लेई। उनें आखेआ जे मजूदा समें च चुनौतियां हर रोज इक नमें ते बक्खरे रूप च पेश औदियां न जिंदा मकाबला कामयाबी सिर करने लेई अपने आपै गी उस्सै साब्वै कन्नोकन्नी तैयार करदे रौहना बड़ा लाजमी ऐ ना छड़ा पराने तौर-तरीकें पर गै निर्भर रौहना। उनें इक दुए

कन्नै नेडमें तालमेल आहली इंटेग्रेट आटोमेटिड रेस्पांस बवस्था पर जोर दित्ता। रक्षा मंत्री होरें आखेआ इलैक्ट्रानिक थेआर मजूदा समें दी जमीनी हकीकत बनी चुके देन।

<><><><><><>

### GST-Reforms Health Care

सरकार आसेआ जंदी 22 सितंबर थमां लागू कीते गेदे अगली पीढी दे जीएसटी सुधार सेहत दिक्खभाल आहले खेत्तर च कई चीजें-बस्तें पर टैक्स दिएं दरें च कमी आहिनए आम लोकें गी बडी मती राहत उपलब्ध करवा करदे न। सरकारै कैंसर सने होरनें जानलेवा बमारिएं ते ईलाज लेई इस्तेमाल होने आहली 36 जीवन रक्षा दवाइयें पर टैक्स खत्म करी दित्ता ऐ। एहदे अलावा सरकार नै जरूरी दवाइयें ते मेडिकल उपकरणें जि'यां निदान किटें, ग्लूकोमीटरें ते थर्मामीटरें बगैरा पर जीएसटी दी दर गी 12 फीसद शा घटाइयै 5 फीसद करी दित्ते दा ऐ। एहदे कन्नोकन्नी सरकार नै सेहत ते जीवन बीमा प्रीमियमं पर जीएसटी दी दर गी 18 फीसद दे बजाय हुन पूरी चाल्ली खत्म करने दा फैसला बी लैते दा ऐ। इस गैंड कन्नै होर मते परौआर बीमा खरीदने लेई प्रोत्साहित होडन।

<><><><><><>

### India-Bhutan

भारत ते भूटान नै कुल चार हजार 33 करोड़ रुपें दे खर्चे कन्नै दो बन्ने पार रेल संपर्क परियोजनाएं गी स्थापित करने पर सहमति जताई ऐ। रेलवे परियोजना च कोकराझार-गेलेफू ते बनारहट-समत्से शामिल न। नमीं दिल्ली च इक सांझी प्रेस कांफ्रेंस गी संबोधित करदे होई केंद्रीय रेल मंत्री अश्विनी वैष्णव होरें आक्खेआ जे इस परियोजना कन्नै भूटान दे दो महत्वपूर्ण शैहरें अर्थात गेलेफू ते समत्से गी जोड़ेआ जाग। उनें आक्खेआ जे एहू दवै परियोजना असम दे कोकराझार ते पश्चिम बंगाल दे बनारहट च भारतीय रेलवे नेटवर्क थमां उडान भरी जांगन। श्री वैष्णव होरें आक्खेआ जे कोकराझार-गेलेफू बश्कार तकरीबन 69 किलोमीटर लम्मी रेल रस्ते परियोजना दा निर्माण त्रौं हजार 4 सौ 56 करोड़ रुपें दी अनुमानित लागत कन्नै कीता जाग, जिसलै के 20 किलोमीटर लम्मी बनारहट-समत्से रेल परियोजना दा निर्माण 577 करोड़ रुपें दी लागत कन्नै कीता जाग। मंत्री होरें आक्खेआ जे इनें रेलवे परियोजनाएं च सारा निवेश भारत आस्सेआ कीता जाग।

<><><><><><>

### Vaishnav Bihar Trains

रेल मंत्री अश्विनी वैष्णव ते बिहार दे उपमुख्यमंत्री सम्राट चौधरी होरें अज्ज बिहार लेई त्रै अमृत भारत एक्सप्रेस रेल गड्डियें सने 7 रेल गड्डियें गी आम जनता गी समर्पित कीता। त्रै अमृत भारत एक्सप्रेस रेल गड्डियां, मुजफ्फरपुर गी चलापल्ली दरभंगा थमां मदार जंक्शन ते छपरा थमां आनंद बिहार टर्मिनल कन्नै जोड़ग। रेल मंत्री नमीं दिल्ली थमां वीडियो कांफ्रेंसिंग राएं इस कार्यक्रम च शामिल होए जिल्लै उपमुख्यमंत्री सम्राट चौधरी होरें पटना जंक्शन थमां रेल गड्डियें गी खाना कीता। एहदे अलावा चार नमीं यात्रु रेल गड्डियां, नवादा इस्लापुर, बक्सर ते सांझा सने प्रमुख शैहरें गी जोड़गं त्रै नमी अमृत भारत एक्सप्रेस रेल गड्डियें दे शुरू होने कन्नै राज्य दी कनेक्टिविटी होर बेहतर होग जेडा विकसित बिहार दे राएं विकसित भारत दे सुखने गी साकार करने दी दिशा च इक महत्वपूर्ण गैंड ऐ। इस मौके पर बोलदे होई वैष्णव होरें आखेआ जे प्रधानमंत्री मोदी हुंदी अगुवाई च रेलवे पर खास ध्यान दित्ता गेआ ऐ।

<><><><><><>

### Milk Product

पिछले 10 बरें च मुख्य च दुध उत्पादन 14 करोड़ 60 लक्ख टन शा मता बदी गेआ ऐ। भारत वैश्विक युद्ध उत्पादन च पैहली थाहर रखदा ऐ ते दुनिया दी आपूर्ति दा तकरीबन इक चोथाई योगदान दिंदा ऐ। मच्छी पालन, पशु पालन ते डेयरी मंत्रालय नै आखेआ ऐ जे इसलै डेयरी, राश्ट्री अर्थ बवस्था च 5 फीसद योगदान देआ'रदी ऐ ते 8 करोड़ शा मते करसानें गी सिद्धे तौरा पर रोजगार थहोआ'रदा ऐ। प्रति माहनू आपूर्ति च 48 फीसद दी बढोतरी

होई ऐ जेदे कन्नै 2023-24 च प्रति माहनू पिच्छे हर रोज एह मिकदार 471 ग्राम शा मती ऐ। एह दुनिया दी औसत थमां मता ऐ जेडा इक दिनै च प्रति माहनू 322 ग्राम मिकदार ऐ।

<><><><><><>

## Vietnam Typhoon

वियतनाम च तूफान बुआलोई नै बडा मता नुकसान पुजाया ऐ। एहदे च 11 लोकें दी मौत होई गई ऐ। 17 लोक लापता न ते 33 होर जखमी ना। वियतनाम दी मौसम एजेंसी दे मताबक बुआलोअई अज्ज बडुलै जमी पर उतरने शा पैहले देश दे उत्तरी मध्य तट दे कन्नै-कन्नै चली गेदा हा जेदे कारण 8 मीटर तगर दिआं लैहरां पैदा होंदियां ना। सरकार नै 28 ज्हार 500 शा मते लोकें गी सुरक्षित थाहरें पजाया जिसले के केंद्री प्रांतें दे 4 ब्हाई अड्डे बंद होने करी कई डुआरियां रद्द करी दित्तियां गेइयां जां उंदी डुआरी च चिर लग्गा।

<><><><><><>

## Jitender-Aspirational

विज्ञान ते टेकनालजी मंत्री डॉ. जितेंद्र सिंह होरें आखेआ ऐ जे जम्मू-कश्मीर च किश्तवाड़ जिला प्रधानमंत्री धन धान्य कृषि योजना तैहत अकांक्षी कृषि जिला चुनेआ गेआ ऐ। इक सोशल मीडिया पोस्ट च डॉ. सिंह होरें आखेआ जे एहदे नै जिले दे दूर-दरेडे इलाकें च कृषि उद्यमता गी बढावा थ्होग। उनें आखेआ जे सरकारै आसेआ 100 आकांक्षी जिले विकसित करने दी घोशणा 2025-26 दे केंद्री बजट च कीती गेदी ऐ।

<><><><><><>

## Seva Parv. Railway

सेवा पर्व आहली विशेष श्रृंखला दे तैहत अज्ज अस गल्ल करने आं जे किस चाल्ली मोदी सरकार दिएं रेलवे गी आधुनिक सुधारें राएं आओजाई दा इक बेहतरिन सस्ता ते सुविधाजनक माध्यम बनाया जा'रदा ऐ। रेलवे च कीते गेदे ढांचागत सुधारें, सुरक्षा बवस्थाएं च बाद्दे, यात्रिणं दी सुविधा दे खास इंतजामें, भारत दी जीवन रेखा खोआने आहली रेल सेवा गी यात्रिणं दी पैहली पसिंद बनाई दित्ते दा ऐ। पिछले इक दाहके दरान मुल्ख भरै च रेल पटरिणं दा बड्डे पैमाने पर सुधार कीता गया ऐ जेदी बदौलत एह मुल्खे दी प्रगति ते खुशहाली दा पावरहाउस साबत होआ'रदा ऐं कश्मीर कोला लेइयै कन्याकुमारी तगर रेलवे देश दे इक कोने गी दुए खीरले कोने तोडी जोड़ने आहले मजबूत सूत्र दा कम्म करा'रदी ऐ। सरकारै अमृत भारत ट्रेन दे नमो भारत रैपिड रेल नै रेल दे सफर गी मता सुरक्षित ते अरामदेह बनाई दित्ते दा ऐ।

<><><><><><>

## World Heart Day

अज्ज दिलै सरबन्धी कुल संसारी ध्याडा ऐ। लोकें गी दिलै सरबन्धी बमारिणं बारै जागरूक बनाने, इंदी रोकथाम करने ते इन्दे असर गी उजागर करने दे मकसद कन्नै एह ध्याडा हर ब'रे 29 सितंबर गी मनाया जंदा ऐ। सोशल मीडिया दी इक पोस्ट च केंद्री सेहत मंत्री जे.पी नड्डा होरें आखेआ ऐ जे दिलै सरबन्धी कुल संसारी ध्याडा दिल दिएं बमारिणं शा बचाऽ आहले हीले ते एक्कड़ी बमारिणं दी रोकथाम दी महत्वै उप्पर लौऽ पांदा ऐ। उनें आखेआ जे एह ध्याडा सत्तदार खुराक, नियमित कसरत ते तनाव प्रबंधन दे राहें इक मजबूत ते सेहतमंद दिल बारै जागरूकता पैदा करने दा इक महत्वपूर्ण मंच बी उपलब्ध करोआंदा ऐ। नड्डा होरें आखेआ जे सेहतमंद जीवनशैली गी अपनाइयै दिल दिएं बमारिणं दे जौखिम गी घट्ट करी सकदे ना।

<><><><><><>

## BCCI

भारती क्रिकेट कंट्रोल बोर्ड बी.सी.सी.आई दे सचिव देवजीत सैकिया होरें एशिया कप 2025 फाइनल च पाकिस्तान पर भारत दी जित्त दे तुरत मगरा होई दी घटना दी निंदेआ कीती ऐ। उनें पुष्टि कीती ऐ जे इस बरे नवंबर च दुबई च आई.सी.सी क्रिकेट च औपचारिक विरोध दर्ज करोआया जाग। एह घटना उल्लै पेश आई जिल्लै पाकिस्तान क्रिकेट बोर्ड दे अध्यक्ष ते एशियाई क्रिकेट परिषद दे अध्यक्ष मोहसिन नकवी, कथित तौरा पर टूर्नामेंट

ट्रॉफी अपने कन्नै लेई गो। इस टूर्नामेंट च भारत नै फाइनल मैच च पाकिस्तान पर 5 विकेटें कन्नै जित्त दर्ज कीती। ओह मंच खाली खेडिये चली गे ते दर्शक चपाते च पेई गे।

<><><><><><>

### IMD-Weather

मौसम विभाग नै अज्ज सौराश्ट्र ते कच्छ दी किश थाहरें पर भारी बरखा दा रेड अलर्ट जारी कीता ऐ। मौसम विभाग नै गुजरात, कोंकण, गोवा ते मध्य महाराश्ट्र च अज्ज भारी बरखा आस्ते ओरेंज अलर्ट जारी कीता ऐ। अंडमान ते निकोबार द्वीप समूह, छत्तीसगढ़, तटीय आंध्र प्रदेश ते नागालैंड, मणिपुर, मिजोरम ते त्रिपुरादे किश हिस्सें च बी आने आहले 2 थमां 3 दिनें च हल्की थमां दरम्याने दर्जे दी बरखा होने दी मेद ऐ।

<><><><><><>